

伐士大夫先墓樹木人皆嫉之○錦南君鄭忠信病命賜御藥○前郡守李麟

奇

重老之

上疏極陳金尚憲正直出人行誼超倫而無罪見忤於

聖明疏入

不報○以金尚容為知敦寧府事李竣為司諫吳竣為掌令○卯時日暈兩珥

暈上有冠色內赤外青白雲一道如氣起自坤方直指東方夜巽方艮方有氣如火光○都承旨鄭經世左承旨鄭廣成啓曰天使禮單一事政院謄錄雖盡散失而都監謄錄之在禮曹者取來搜考則如劉用冉登劉楊三起之行贈給數目皆為載錄或有此少加減而大抵相公襲今當磨鍊不患無據矣仍更訪問則頃間天使時自政院磨鍊而壬戌年梁監軍出來時戶曹始請與都監磨鍊而用之云蓋以物件皆屬本曹有無多少自為商度允為便益故也今此冊使時禮單戶曹亦將會同都監磨鍊入啓觀其所勘或有未盡之處則容臣等詳察損益似為宜當從之○癸卯罷慶興府使權恂造山萬戶金汝銘蓋去年冬奴兵取路於半朱

藩胡也

等部落行過柔遠之境擄去人畜而江邊列鎮不

為候望故監司李昌庭至是啓

聞請罷朝廷從之○令平安道監兵使開錄

昌義兩府積勞將士可合擢用者以聞時奴賊新據瀋陽兵勢益盛有意西犯

往來遼陽故昌義之間枕戈待警者已久廟堂以為不可無慰悅將士之舉